



請補邊道疏

題爲議補危急衝邊兵備官員乞

賜俯允以重秋防事近見邸報靖邊兵備道右
布政使李維翰已奉

旨陞遼東巡撫時將離任該臣會同巡撫陝西
都察院右副都御史李楠巡撫延綏都察
院右僉都御史馬從聘巡按陝西監察御
史龍遇奇議照延鎮西路本係首衝况當
狡酋火落赤住牧之所去秋火酋誣賴鐵

雷人命作備叛盟大肆侵犯正在本路向
雖屢遭創挫然修怨既深報復必力今秋
傾巢內訌此處爲甚一切簡師除器理餉
修防全賴該道振飭區畫誠不可久乏人
尤不可不得人者秋防伊邇若待銓推或
道路迂遠人地不宜未免濡滯誤事須就
近遴補方克有裨臣等查得靖虜兵糧道
右布政使秦大夔浩然剛大之氣卓爾經
濟之才久歷邊陲日無狡虜孰諳韜略腹
有甲兵昔曾代攝神木道恩威並著夷夏
知名臣等先今共事旣知其賢且近蒙列
卓異誠可謂名實相孚者矣若以本官調
補靖邊不惟可朝發夕至抑且可遺大投
艱庶於秋防飭備大有裨益相應具

題伏乞

勅下吏部再加查議合無將右布政使秦大夔
調補靖邊兵備道促令勒限到任所遺靖
虜兵糧員缺亦望就近速行推補庶邊道

得人而杆禦有資矣緣係議補危急衝邊
兵備官員乞

賜俯允以重秋防事理臣等未敢擅便爲此具
本專差承差某親齎謹題請

旨

代題按院患病疏

題爲按臣候代日久患病萬分危急懇乞

聖慈蚤放回籍調理更乞

亟點新推按臣以計安邊疆事竊惟按臣一官
爲

朝廷持法振揚風紀凡察吏安民詰姦戢暴
百務攸關其職固不可一朝廢也陝省頻
歲災傷徇夷作梗延綏寧夏虜情反側責
任艱鉅大與別省不同其職尤不可一朝

定國集 卷之三十一 五十一
廢也如巡按陝西監察御史龍遇奇奉差
三年候代二載無一時不悉經畫無一事
不出躬親心力交摧形神俱敝日積月累
病根已深又兼桔楛文武科場劬勩

大計軍政稽覈邊疆功罪執掌夷夏安懷遂致
沉痾日益藥餌罔功今且岌岌乎不可支
矣臣念套虜寒盟今秋狂逞必逾往歲急
望按臣視事振飭彈壓用收治安之效乃
屢得手書極述其病勢貼危之狀欲爲代
題酸楚痛苦駭不忍聞委屬至情毫無假飾
向經按臣自

請撫臣代

奏都察院具

題各疏備極其病篤情景俱未奉有

俞旨無乃以按臣無與於邊疆乎竊謂闔省之
事無非按臣之責而邊疆之事尤其責之
至大者如閱視

重典討軍實也約束將士飭戎行也覺察虜犯



原件短缺

P54

防欺蔽也頒示方略攘夷狄也查驗功級
杜詐冒也指摘罪狀嚴懲儆也此數者所
係邊疆不啻重矣若按臣卽得受代則時
尚可爲秋防將保無事若稍遲滯則秋防
已逼不惟閱視今歲必不能完而邊務一
切廢弛秋高虜橫必至決裂不可收拾誠
有大可虞者伏念我

皇上注意疆場凡有邊計朝
聞夕發普天之下孰不仰頌

延鎮保寧常樂剿虜獲捷疏

題爲逆酋糾聚謀犯官軍先發創剿仰仗
天威大獲全勝恭


報捷音事據延綏總兵官杜文煥塘報切照本
職新調延綏請官交代赴任間於萬曆四
十四年二月初六七等日據分守安邊叅
將李榮塘報據舊寧安邊標守解明選塘報
據哨探通夜羅英等報稱瞭見本營邊外
土墩梁起苦菜渠止每日見有精兵達賊

定園集 卷之三十一 五十三
四五千騎穿戴盔甲俱在臨邊擺列東西
二十餘里似有謀犯情形且屢差塘馬達
子到於邊下誘問新任總兵東來消息意
要等候相與廝殺等情又據降夷他刺赤
等供稱西虜將部落帳房移遠二百餘里
各頭目帶領精兵達子甚多俱在火落赤
鐵雷兒子一處於地名孫家井一帶水頭
屯聚離邊十餘里因山後無草故來近邊
牧馬又於沙窩埋伏精兵數千穿戴盔甲
一爲防範

南朝兵馬擣巢一爲就便撲搶等著兵馬廝
殺等情十七日又據解明選塘報十五日
據舊字三十墩軍人張永稟報達賊四五
十騎馳馬到邊數十騎步上沙頭左右墩
軍齊力拒堵一面舉傳烽砲各賊遯北查
得斫傷墩軍一名掠去耕牛三隻斫死牛
一隻自此日每在邊窺伺必有謀犯情形
隨蒙總督軍門明文及准延綏撫院并靖

邊道手書皆言火酋糾聚各酋公然臨邊
劄營就便竊掠深爲可恨亟當調集兵馬
以挫狂鋒以靖疆圉本職隨卽會同撫院
及靖邊道檄調定邊協守蕭捷鎮靖叅將
石棟寧塞遊擊侯世祿靖邊營守備陳相
各挑選該營健兵五百名齊赴安邊柳樹
澗一帶設防又會榆林道遣發正兵營把
總何達帶領坐府上八隊家丁五百名并
清平營管叅將事都司僉書柳汝植統領
中軍白剛等健兵五百名亦赴安邊防援
本職於本月十二日從寧鎮起程赴任十
七日行至安邊住宿十八日巳時本邊傳
來烽砲知是前賊突犯隨據舊字二十等
墩軍人鍾大良口報邊外穿戴盔甲精兵
達賊約有千餘騎在各沙梁劄營先遣塘
馬達子一二百騎分掏邊口射傷本墩軍
人趙恩等二名沿邊軍夜奮力拒堵虜兵
漸添其勢甚衆等情本職卽發內丁千把

總杜勇孫雄屈通等紅旗王命卿及同張
遇功土撒等一十二名并靖邊道原委監
督旗牌李昇曹英李繼牧神光顯督領內
丁并各營健兵一千員名爲前鋒飛馳截
殺本職卽督協守蕭捷參將李榮石棟遊
擊侯世祿柳汝植守備陳相各營中軍千
把總陳燁劉保何光先白剛黃士英何達
等官統領各營兵馬疾趨前進據撒塘家
丁李強報稱前項虜賊與先發官兵相遇
廝殺一陣斬獲塘馬達賊首級十餘顆虜
賊旋馬繞鞭突起達賊千餘與塘馬達賊
合營與我前鋒撲斫一處等情本職聞報
卽揮兵飛馳與前發官兵合營一處奮力
射斫又斬獲首級二十餘顆虜賊見我兵
勇猛漸漸北逃官丁乘勝追殺邊外地名
土墩梁離邊約十餘里各賊見得我兵奮
勇追來隨於各沙頭舉放號煙當有各沙
窩又突起精兵達賊約有二千餘騎執打



原件短缺

P59-64

坐轟吶喊齊衝前來本職申嚴號令卽將
前鋒分爲兩翼仍督大營兵馬三面夾擊
各用神槍大砲奮力擊打自己至酉凡數
十合賊中槍砲死傷甚多遂披靡敗北各
營官兵從後追殺二十餘里又斬虜首三
十餘顆虜賊逃走漸遠本職收兵回營查
得前後就陣共斬獲首級七十顆內據通
事哮賴認識火落赤下有名恰首俊大等
二顆奪獲達馬六十二匹內正兵內丁斬
題外緣係逆酋糾聚謀犯官軍先發創剿仰
仗

天威大獲全勝恭

報捷音事理爲此具本專差舍人劉傑親齎謹
具題

知

議補監司疏

題為亟缺衝邊監司官員懇

請就近調補以保封疆事准旨肅撫臣會同蒙
得分守西寧道副使李思恭近蒙

大計調簡所遺員缺在銓部必輪才任使無庸
職愚謀謀策該道特委孔棘視他處更甚
其所轄涼州鎮靖等營在在鄰虜且銀歹
等酋垂涎故巢蓄憤日深昨歲兩犯鎮番
未得大逞今春復糾眾內訌失利而回見

今結聚近邊兇謀叵測我軍時時戒嚴糧
甲待戰所恃以調度申飭作士氣伐虜謀
全藉道臣勢不可一日缺者非得精明歷
練曉暢邊情之人曷能勝其任而愉快乎
又或推自別省須幾月方可莅任卽有代
庖者遙制于數百里之外終難展布萬一
狡虜乘其隙而中之必無幸矣職爲封域
安危慮不得不一調停以圖保全者等因
會藁到臣該臣會同巡撫甘肅都察院右
副都御史祁光宗巡按陝西監察御史董
定策查得莊浪兵備道右布政使王之采
鎮定屹然壁立經綸渾若淵涵久著勞動
宜投艱大雖莊浪亦屬衝塞而虜情視涼
稍緩若就近調補分守不惟朝拜

命而夕赴官不至以稽遲誤事然在本官必且
感激思奮益究壯猷需以年勞可期大用
于計甚便相應具

題伏乞

勅下吏部再加酌議如果臣等所言不謬將王之采以原官調繁守道遺缺速爲推補若守道之官業已推出得

旨或填補莊浪或另聽改用庶因地任人安懷有賴而危鎮可保無虞矣緣係亟缺衝邊監司官員懇

請就近調補以保封疆事理臣等未敢擅便爲此具本專差承差某親齎謹題請


旨

甘鎮涼莊剿虜獲捷疏

題爲狡虜侵犯不已官軍擣殺除兇仰仗

天威大獲捷功事據甘肅總兵官李懷信塘報本年正月以來節據鞏口寧遠等營堡塘報賊虜窺邊捉殺墩墩夜叉據阿壩管遊擊事都司麻濟邦塘報差通識劉莊兒前去寧夏中衛聽探回稱有竇免差夷使稟稱酋首銀定歹成帶領部落於正月盡間往西邊犯搶該本職卽督各路官兵隄備間

據鎮番叅將潘國振塘報二月二十日達
虜一千有餘從蘆溝墩空入犯搶去屯民
陳許家保等數人并牧放牛羊官兵拒堵
出邊訖又據中協涼州副總兵李承爵塘
報差夜役張直往中衛聽探回稱有宥免
娘子差巡邊達子脫脫兒等稟稱前犯西
邊銀定等調取酋首矮木素三見台吉帶
領部落往西合兵去了等情隨准撫按及
奉軍門各申飭嚴加隄備相機堵剿該本
職看得狡虜入犯未得逞志今又調兵意
在乘我春耕分投復犯不一大創必致猖
狂卽遵奉軍門申飭會准撫按許謨指授
分發官兵四路一發標下游擊主國均并
者官哈元勳李時漸中軍千把總督陣
官張應薦張大紀等統兵二千名從山丹
出邊爲左營一發莊浪營署事原任遊擊
保定都守官麻濟邦楊嘉謨中軍千把總
操防督陣官朱國纓保國忠等統兵二千



原件短缺

P70-75

定園集 卷之三十一 六十一
名從阿壩出邊爲右營一該本職督率坐
營都司張顯茂中軍原任都司張應龍中
協副總兵李承爵永昌參將今陞西寧副
總兵候代王汝金鎮靖二路參將潘國振
李國柱守備宋國臣王言弁各營中軍千
把總督陣官折桂呂承宮等統兵四千名
從鎮番出邊爲中營一發西協副總兵趙
維翰遊守官祁秉忠達奇動劉國玉納汝
言中軍千把總督陣官趙宗祝鄧榮祖等
甘鎮零功疏

題爲年終類報零功事准巡撫甘肅都察院
右副都御史祁光宗會稿據分巡西寧道
副使劉遵憲呈稱查得節蒙督撫明文嚴
謹烽火隄防要害又令各處屬番時加收
斂哨備有功一體陞賞萬曆四十二年正
月二十七日有海虜火落赤差原收叛去
西番史嘎卜加引領真虜三名各騎牽雙
馬潛來屬番帳內勾引投虜并窺我中虛

實被番首把的板卜等報知紅崖堡守備
葛芳等統兵圍捉被賊射傷軍丁三名何
太八周成李登雲又射傷官馬四匹我軍
齊樸當將番虜四名并馬匹弓箭一併擒
獲審明問擬各斬罪在監病故動支甘州
廣盈庫虜畜變價銀一百一十兩九錢給
賞獲功軍番并被傷軍丁原獲馬八匹并
夷器一半給軍征操一半賞有功人役訖
竝無隱匿別情又據肅州兵備道副使李

應魁呈查得本年二月二十二日肅州營
遊擊祁秉忠選差通丁深哨境外青頭山
遇虜相戰斬獲首級六顆內強壯一顆為
首降丁猛可庫次壯一顆為首軍丁高大
幼小四顆為首四名祁雲帖寫二恩克庫
祁成強次幼小為從六名阿卜羊羔二哮
羅奈丁崖亦猛可打郎大陣亡內丁一名
祁太重傷五名羊羔二哮羅奈且令蓋著
介賓羽隆他二輕傷七名祁雲阿什恩克

正加保免昧紅大克太赤射死官馬四匹
查驗明白因無賞功正項借動肅州倉站
價銀一百六十九兩給賞獲功并被傷軍
丁及優恤陣亡家屬外奪獲虜馬八匹駝
二隻除剽死外見在馬四匹駝二隻照例
變價一半入官一半并夷器給賞有功人
役訖並無入犯搶掠又據分巡西寧帶管
分守道副使劉遵憲呈查得本年閏八月
十四日大清營參將李國柱差軍丁深哨
境外雙黑山唎囉津水地方遇虜相戰斬
獲虜首三顆內強壯一顆爲首軍丁陳通
次壯二顆爲首二名李中羅士才強次爲
從三名王得明李仁王一明奪獲虜駝三
隻夷器弓箭箭俱全重傷家丁二名陳會張
守來輕傷家丁四名敖巴太張辛青唐全
李仁射死官馬五匹射傷官馬七匹內浴
途倒死二匹查驗明白共該賞功湯藥銀
一百一十九兩四錢因無正項借動涼州

廣儲倉站價銀一百三兩四錢并前獲駝
三隻變價一十六兩湊足及夷器給賞獲
功軍丁訖竝無入犯內地又據莊浪兵備
道右布政使王之采呈查得本年九月二
十日阿壩營都司麻濟邦差軍降深哨黃
草湖遇虜斬獲強壯首級二顆夷器俱全
爲首降丁二名革樓扎麻害爲從打來寨
卜岔奪獲虜駝一隻到營倒死陣亡降丁
一名入漢射死官馬三匹查驗明白因無
賞功正項借動莊浪倉馬糧變價銀一百
三十四兩八錢給賞獲功降丁優恤陣亡
家屬前獲夷器賞出哨各軍訖竝無入境
槍掠等因各呈報到職簿查先據紅崖肅
州大靖阿壩各營堡塘報并解擒斬功級
前來俱經審驗批發各道覆查去後今據
前因除批候按臣覆勘外等因會稿到臣
該臣會同巡撫甘肅都察院右副都御史
祁光宗看得甘肅星懸河外無處不衝狡

定國集卷之三十一
醜內窺歲無虛日所賴哨備嚴明時有擒斬雖爲數不多亦足以少伐其狡謀矣既經各道查報前來通應照例題

請伏乞

勅下兵部移咨都察院轉行巡按御史將前功次覈勘徑自回

奏其賞過虜畜變價銀兩准令開銷借過站價及馬糧價銀照數補發以抵正項緣係年終類報零功事理臣等未敢擅便爲此具本專差承差某親齎謹題請

旨

延鎮定邊等處出塞獲功敘錄各官疏
題爲狡酋逆謀未息官軍合兵擣巢仰仗

天威大獲全捷事准巡撫延綏都察院右僉都
御史馬從聘會稿據靖邊兵備道右布政
使兼副使李維翰會同寧夏河東兵備道
按察使張崇禮呈蒙督撫按各院憲牌行
據署定邊管糧廳事靖邊所學學正谷應
元會同寧夏花馬池管糧同知閔之聞呈
查勘得萬曆四十三年十二月二十五日

知府集 卷之三十一
該靖邊道據柳樹澗守備王彪收獲降夷把拜供稱聽得虜營衆頭目傳諭達子如今先交好漢達子七八十騎前往覘井地方撲路捉人譯問口詞如各營人馬放兵乘他不防要在年裏外撲搶一面就在臨邊住牧攪擾他漢兒人種不上田禾等情該本道見得虜賊蓄憤未息尚爾聚兵邊外又况新正伊邇誠恐各該官軍因年宴飲偷安怠備萬一狡酋乘隙入犯干係匪

輕隨遵照督撫申嚴防剿事理通行各路嚴備周防後因援剿原任總兵杜松奉委未幾遽託朝山走去本道不得已責成協守定邊副總兵蕭捷統領各營兵馬如或虜賊果有謀犯情形即調各營同心協力大創一番倘若各虜遠牧未動勿得輕出致墮賊計本道又委指揮百戶鎮撫孫弘業神尤顯曹英李繼牧隨管監督去後節據定邊甄井等營保收獲降夷他省免把

六好勝供稱各家酋首如今糾聚安定邊一帶地方又要乘空刁搶該蕭副總兵惟恐不的隨差通丁可鐵赤孫安安出邊哨探果否聚結有無謀情各役回稱哨至地名明水湖離邊約有百十餘里瞭見火光徧野虜賊群結甚多似有謀犯情形等情據報降夷與哨丁所供相同在此聚兵必然謀犯不若先行剿殺以遏狂勢一面會同本道一面行調安邊叅將李榮鎮靖叅

將石棟寧塞遊擊侯世祿靖邊營守備陳相柳樹澗守備王彪甄井守備魏居正各統領內丁選鋒兵馬各堡尖軍於四十四年正月十一日齊赴定邊蕭副總兵分布前項官兵令內司千把總蕭肅友松等健丁把總馬雄馮大棟同本道旗牌官孫弘業帶領軍馬五百四名為前鋒一堵牆安邊營把總陳所聞李朝陽周家禮同本道旗牌官李繼牧統兵四百二名寧塞營把總

李仲祿趙崇德紀繼業同本道旗牌官神
光顯帶領本營并柳樹澗兵馬五百二名
鎮靖營中把官戴名劉光先畢登科同本
道旗牌官曹英領兵五百二名靖邊營千
把總官黃士英李植領兵二百一名與同
各營督陣紅藍旗牌姚應龍孫科等爲頭
敵蕭副總兵統領本營中軍陳燁千把總
張懋勳蘇國用葉逢時領官兵八百二十
七員名安邊叅將李榮中把官劉保李大

臣甄井守備魏居正及定邊舊安邊鹽場
三堡尖軍共六百一十二員名寧塞管叅
將事遊擊侯世祿中軍何光先柳樹澗守
備王彪共領官軍六十一員名鎮靖叅將
石棟靖邊營守備陳相統領官軍一百員
名分爲四面列營定邊沙湃與寧鎮花馬
池邊東接壤隨有花馬池副總兵蕭如蕙
統領官兵五百一十二員名隨與各營合
兵一處至十二日申時從定邊營操守白

居庚所管邊段定字四十六七墩出邊擣
剿離邊約行百十餘里十三日黎明時分
有鐵雷捨打大捨喇拜部落虜賊知覺糾
合精兵達子各穿戴盔甲徑撲前來我兵
奮勇撲斫一處連戰一二十合就陣斬獲
虜首甚多賊見兵勢勇猛又見大營兵馬
接連灰塵大起荒懼吹掌屬策收兵敗走
我兵乘勝直追至巢穴地名明水湖川又
有斬獲賊見大遭挫衄隨即敗逃遯北去
訖我兵亦未再追至申時收兵進邊回營
查得各營共斬獲首級二百二十八顆奪
獲達馬先報四十八匹報後又查出馬九
匹盔甲弓箭夷器四百八十三頂副件枝
各營陣亡軍丁七名重傷軍丁三十七名
輕傷軍丁一十五名陣失并射促死馬九
十八匹回營倒死馬一十匹內定邊奇兵
營斬首七十四顆奪獲達馬一十三匹夷
器共五十一頂副件枝陣亡軍丁一名召

塞重傷軍丁吳大剛等四名輕傷軍丁李
竹等三名陣失并促死馬三十匹安邊營
斬首五十一顆奪獲達馬四匹夷器一百
四十九頂副件枝陣亡軍丁大擺言免等
二名重傷軍丁火泥赤等五名陣失馬十
九匹回營倒死馬一十匹孰井堡斬首四
顆定邊操守下斬首一顆舊安邊操守下
斬首一顆益場堡操守下斬首一顆寧塞
營斬首二十三顆奪獲達馬一十一匹夷
器五十四頂副件枝陣亡軍丁湯守勳等
二名重傷軍丁趙擺免等八名輕傷軍丁
暈大等四名陣失并促死馬一十五匹柳
樹澗堡斬首六顆陣失馬三匹新安邊陣
失馬四匹鎮靖營斬首三十一顆奪獲達
馬一十八匹夷器九十六頂副件枝重傷
軍丁劉高和等八名輕傷軍丁一名析桂
蘭陣失馬六匹鎮靖堡陣失馬二匹靖邊
營斬首一十六顆奪獲達馬二匹夷器八

十七項副件枝重傷軍丁閻尚庫等五名
輕傷軍丁拏木等三名射斫死馬一十四
匹寧夏花馬池營斬首三十顆奪獲達馬
九匹夷器四十六項副件枝陣亡軍丁召
力免等二名重傷軍丁明艾等七名輕傷
軍丁黃艾等四名陣失馬五匹等因查得
官軍原於前項日時出邊擣剿與酋首鐵
雷等部落達賊對敵斬獲首級奪獲達馬
夷器與亡傷軍馬委止前數親驗功級俱
係真正虜首共二百三十八顆內強壯一
百一十五顆內據通事可鐵赤明愛姚強
等原報認係鐵雷捨打太捨喇拜下領兵
頭目哈喇把免兒收令蓋猛克賈押氣恰
首三顆內哈喇把免兒收令蓋原係領兵
頭目其猛克賈押氣不係恰首復據通事
認出捨喇拜下鎮鐵不蓋恰首一顆次壯
五十三顆幼小三十三顆達婦三十七顆
前項首級延綏鎮二百八顆內強壯九十

三顆內據通事可鐵赤降夷明愛等認係
酋首捨打大鐵雷捨喇拜下恰首三顆內
願入監廩膳生員李汝松獲功一顆係本
道批准隨營征剿願陞六顆內恰首一顆
願賞八十六顆內恰首二顆又願賞次壯
四十五顆幼小三十三顆達婦三十七顆
寧夏花馬池營三十顆內強壯二十二顆
內願陞二顆願賞二十顆又次壯願賞八
顆俱係真正親斬並無冒冒及查重輕傷
軍丁辨驗傷痕俱的各營堡奪獲達馬共
五十七匹內延鎮定邊等營堡奪獲達馬
四十八匹照例三分入官銀二十四兩一
錢五分抵充小賞支用其餘七分給軍寧
鎮花馬池營奪獲達馬九匹回營倒死四
匹見在五匹寧夏撫院批抵陣折馬匹并
各盔甲夷器俱賞原獲軍丁訖俱無隱匿
情弊等因到道覆查相同該本道會同寧
夏河東兵備道按察使張崇禮看得酋首

火落赤以剽悍猾賊逆天犯順昨秋之事
原因鐵雷始禍而捨打太捨喇拜俱係親
枝則皆相助爲惡者也自去冬火酋遭挫
圖報鐵雷子復糾合捨打太捨喇拜各部
落謀欲狂逞此其兇焰誠爲叵測幸彼之
降夷預洩其狡謀我之哨丁探得其直情
若不先發以制人待其入寇而後禦之恐
撲滅未易也故調集官軍齊師出禱一剿
而斬首二百三十有奇既遏奔突以挫其
勢又剪羽翼以孤其黨亦已少伸

中國之威矣所有在事文武各官既與有勞
相應敘錄以勵人心等因又據榆林兵備
道右布政使兼副使金忠士呈蒙督撫按
各院憲牌行據城堡同知陳效忠呈查勘
得萬曆四十四年正月二十五日中協管
副總兵事叅將白兆慶塘報據保寧路管
叅將事都司僉書李滿倉報據波羅守備
李秀塘報收獲降夷忽變大等供稱有頭

定國集 卷之三十一
兒猛克什力旗牌撒勤等兄弟見得山後
無草駝馬牛羊受餓傳令各家台吉帶領
部落馱載盔甲帳房老小移住離邊八九
十里之地有草去處牧放牲畜遇夜打蹤
得便要令部落達子在懷遠波羅嚮水堡
邊上搶掠使

南朝知有兵馬不得擣巢等因看得狡虜搬
移近邊蓄謀叵測降夷所供情或不虛該
鎮守延綏總兵官官秉忠會同撫道先發
坐營官陳維翰帶領各營一堵牆千把總
王捷郭惟正張邦才黃應舉劉朝允岱李
明等官兵一千五百員名及紅藍旗牌劉
勇等督兵於正月二十八日戌時從懷遠
波羅兩堡邊界慌忽渡河口出邊剿殺續
發奇兵營白兆慶右營管遊擊事都司僉
書賀成管保寧路都司僉書李滿倉統領
各該營官兵一千五百員名列爲二營接
應以張椅角之勢官總兵統領撫院標下

遊擊孫啓祥署左營事原任遊擊王學詩
入衛後營管遊擊事都司僉書周弘祚總
理各營火器原任都司吳光先及撫院標
下聽用原任叅將李崇榮自備鞍馬帶領
親信家人隨征并督陣原任叅遊都司劉
國鎮高捷張榜及大營官兵一千員名在
於適中接應間坐營官陳維翰差夜不收
張禮報稱各官兵於二十九日黎明時行
至地名三營兒河離邊六七十里被打路
達賊知覺煙起號煙招聚精兵數百吶喊
徑衝前來我兵奮勇撲斫一處就陣斬獲
虜首二十餘級賊見二營官兵灰塵漸近
收兵敗走官兵乘勝追至虜賊巢穴斫殺
虜首五十餘級賊見兵猛披靡遂北官兵
欲再深追因見山險日暮恐有不測收兵
回營查得各營軍丁前後斬獲首級七十
七顆內據通官火泥赤等認識有名恰海
奈等首級三顆奪獲達馬三十二匹盔甲

夷器四百三十九件枝內正兵營三十七
顆奪獲達馬一十匹盔甲夷器一百八十
六頂副件枝陣亡軍丁王光先等三十五
名重傷軍丁哈喇等九名陣失馬三十九
匹隨征原任坐營張榜下親丁六顆標下
營八顆奪獲達馬六匹夷器一百一十五
頂副件枝陣亡家丁陳天德等二名重傷
軍丁陸孟臣等三名陣失馬一十一匹隨
征原任參將李崇榮下親丁二顆中協奇
兵營七顆奪獲達馬七匹盔甲夷器六十
七頂副件枝重傷回營身死軍丁李伏等
二名陣失馬二十五匹左營六顆奪獲達
馬五匹盔甲夷器三十五頂副件枝陣亡
軍丁王登務等六名重傷軍丁苗養其等
三名輕傷軍丁邢得等三名陣失馬三十
匹右營七顆奪獲達馬四匹盔甲夷器三
十六頂副件枝陣亡軍丁惠艾實等九名
重傷軍丁一名李世賢陣失馬二十二匹

入衛後營二顆保寧營二顆本年正月二十六日清平營管參將事都司僉書柳汝植聞大邊傳砲即統本營中操官白綱王學增等官兵飛馳應接迎遇夜役沈北報稱平字二十九墩軍人郭志剛瞭見境外步行達子一名騎馬達婦一口徑到本墩牆下說是投降瞭無詐哄收放過邊隨有騎馬達子十數騎從北趕來射重瞭望墩軍郭志剛賊見兵馬灰塵大起隨即遯北本官挑選一堵牆軍丁五百名委白綱等就令投降夷人打賴引領襲蹤趕至邊外虜穴地名總管灘離邊約一百餘里與賊撲斫一處斬獲首級四十二顆內據通事李天祥認識有名恰首把兔兒阿漢大等首級二顆奪獲達馬九匹盔甲夷器二百二十三頂副件枝陣亡軍丁賀存兒等九名重傷軍丁閻伏二等一十五名查驗得地名三營兒總管灘二處功級俱係真正

定國集卷之三十一
九十三
虜首共斬獲首級一百一十九顆內強壯
六十顆內據通事火泥赤李天祥認識恰
首五顆願陞一十顆願賞五十顆又願賞
次壯一十二顆幼小四十四顆達婦三顆
前項首級俱係親斬並無買賣及隱匿情
弊等因到道覆查相同看得漠北諸虜素
號狡黠本鎮向年以來固稱款互第以市
嘗輕微未厭谿壑以故陽順陰逆時款時
叛今日狗竊明日狼吞潛形顯跡東擊西
奔俾人難防自客秋至今在在跳梁在在
荼毒前者波羅之舉紅山之叛彼意滿望
搶擄我生畜驅掠我人民搗毀我邊墩殺
傷我士馬以爲少遂已之欲大短我之氣
不期我軍虎豹林集駭牡成羣隨犯隨剿
隨追隨捷兩挫兇鋒撲斬無算竊意

中國之威自此大張獫狁之膽自此稍寒矣
不謂狡虜犬羊成性變詐靡常假以羣幕
徒近實以埋伏誘引非虛張聲勢使我不

定園集 卷之三十一 二四一
敢西向則乘隙掩襲使我不敢遠追詭謀
狡計淵深難防幸而降夷走洩兵將同心
誓殲虜庭將有死戰之心士無生還之氣
席捲長驅徑擣虜巢且襲且戰共獲首級
一百一十九顆亦足以伸

中國之威寒氍裘之膽矣所據在事獲功員
役相應分別敘錄以示激勸等因各將獲
功人員分別首從及陣亡願陞願賞造冊
通詳到職案查先准鎮守延綏總兵官官

東忠并據靖邊榆林二道及各副參遊守
等官各塘報虜賊臨邊結聚謀犯各營官
軍合兵出塞擣斬斬獲首級等情職即具

疏題

知已行各該道查勘去後今據前因除領兵千
把總及獲功首從亡傷軍丁造冊咨送兵
部用備查覈外等因會稿到臣案照先據
靖邊兵備道右布政使李維翰并延綏總
兵官官東忠先後塘報諸虜糾謀近邊官

定園集 卷之三十一 九十三
兵出擣斬獲功級該臣俱隨經具疏題
報訖仍牌行各道查勘呈詳前來批候具

題間今准前因該臣會同巡撫延綏都察院
右僉都御史馬從聘巡撫寧夏都察院右
僉都御史楊應聘議照舊首火落赤捨打
太等原在寧夏互市延西各堡微有轉賞
先因鐵雷領賞回巢逾月身死輒假以中
毒擁衆犯順勢甚鴟張猛克旗撒等酋兄
弟羣衆素稱桀驁尚以市賞涼薄往往貪
索無厭玩款又叛反覆靡常撫之既不肯
從剿之勢不容已是用提率將士隨地合
兵長驅出擣在西路定邊一帶斬首二百
三十八頭在中路懷遠等堡斬首一百一
十九顆運共三百五十有奇此皆仰仗

皇靈遠

神武布昭之所致如閣部科司諸臣自有常典
遵例不敢侈敘外所據獲功各官如延綏
巡撫馬從聘端疑嶽峙蘊藉淵涵運籌則

九天九地無煩聚米遣將則百戰百勝易
若燎毛西顧而半壁傾危火鐵之兇徒授
首東征而三窟震動猛勤之逆黨降心橫
行沙漠爲坦途高築旣來爲京觀鴈塞之
英風丕振龍荒之狂焰頓消此一臣者委
應破格優異用表殊勳寧夏巡撫楊應聘
文武壯猷經權妙用急震鄰省拯水火俄
收共濟之功捷醜虜如疾寇讎不惜同仇
之力靈旂遙指走貔虎於幕南偉略遐頒
殲犬羊於漠北既見清明於境外益堅底
定於域中此一臣者亦應併敘以勸協恭
原任鎮守延綏總兵官今回衛官秉忠負
乘風駕浪之才勵破釜沉舟之志令肅則
士皆用命鼓五校以如飛威振則虜假遊
蒐平三窟其若掃始雖垂翅回谷終能奮
翼澗池原任寧夏今調延綏總兵官杜文
煥精忠貫日英氣凌雲義重纓冠不以候
命而忘國難志切掃穴亟爲下甲而靖妖氛弘

猷昭紫塞之勳休寵侈彤弓之貺以上二
臣俱應優敘內官秉忠自論董之後屢次
斬獲捷功一千五百餘級不因一蹶以灰
心矢捐七尺以裹董奇勳難泯壯志宜酬
仍應酌議優處以竟其用者也原任花馬
池副總兵今陞寧夏總兵官蕭如惠握常
勝之妙筭運不測之玄機揚旌摩虎豹之
師何帝從天而下鳴劔抵犬羊之窟直爲
捲土而來協守延綏西路副總兵蕭捷恤
軍每見推心滅虜不忘嘗膽任鴈塞而折
衝名著屹爾長城歷龍荒而斬馘功多居
然大樹協守延綏中路管副總兵事叅將
白兆慶氣奮請纓志存汗馬揮戈虎口虜
血徧染紅袍躍馬龍沙劔氣直衝白日以
上三員相應陞賚延綏巡撫標下中軍遊
擊孫啓祥豹弣妙筭猿臂雄姿三軍令肅
風雷一介守嚴冰檠安邊叅將李榮偉貌
昂藏壯心激烈抵掌風雲變色橫戈豺虎

驚寬鎮靖將石棟材負驍雄師遵節制
壯志不忘溝壑奮身誓掃炎荒寧塞管參
將事遊擊侯世祿盧深桑梓學飽朝鈐談
兵辨若懸河對陣敢於櫻虎清平管參將
事都司僉書柳汝植丰猷駿厲氣采鴻明
笑譚謀出六奇磊落功成三箭前保寧管參
將事都司僉書李滿倉聞烽星邁獻馘風
行協心欲滅胡塵戮力爭先漢幟石營管
遊擊事都司僉書賀成貌雄虎視氣負鷹
揚擒殲血滿刀頭等書存傳圯上入衛後
營管遊擊事都司僉書周弘祚恤士平分
甘苦援柁不顧死生介冑傾心旃裘落膽
以上八員併應陞資廷綏坐營官陳維翰
靖邊營守備陳相柳樹澗守備今回衛王
彪孰井守備今回衛魏居正波羅守備李
秀奮臂脩矛共抱臥薪之恥協心蒐乘咸
懷敵愾之思以上五員亦應併敘內王彪
魏居正雖經論革然仗龍泉以靖龍沙雖

無救東隅之失入虎穴而擒虎子亦難掩
北路之功仍應酌議錄用以圖後效署左
營事原任遊擊主學詩及委令督陣原任
叅遊都司守備李崇榮劉國鎮高捷吳光
先張榜義駕同離心期共濟或挺身躍馬
橫權鳴鏑之鋒或聯纒麾戈共成倚鹿之
勢以上六員併應敘賚內張榜前以損傷
見被叅提今屢獲捷功功浮於過相應免
提以公勸懲各營中軍千把總紅藍旗牌
官西路陳燁劉保何光先戴名黃士英蘇
國用方震白居易庚解明選王道興馬雄馮
大棟葉逢時周家禮李大臣陳所聞紀繼
業劉光先李植余之龍孫弘業李繼牧曹
英神光顯中路郭惟正王捷黃應舉劉朝
李朋允岱張邦才官勇官雄李真吳天六
田茂王國槐張萬教陳應魁王永祥牛希
麟崔崇胤王永祚杭卿高璉蕭倬高崇義
王永禎鄧茂彬沈繼業王之英侯體乾王

學增白綱薛守直王家梓李攀桂周聚賀
應舉高舜輔王從謀陳經邊廷周一陽柳
國樑崔奇勳李思明王臣周儒劉勇劉有
全小劉守忠馬應虎姬友德傅良臣姬希
伏劉承雨李時勇郝登王一元大劉守中
朱欒丁世虎趙廷國李遇春戴應時楊生
春或設防而按堵或協力以摧堅均有斬
馘之功宜錄血戰之苦以上八十七員均
應賞賚內有部功者仍應照例陞級然衝
鋒破敵者固介冑之功而決策贊籌者又
備兵之責如靖邊兵備道右布政使今陞
遼東巡撫李維翰風力足搖山嶽正直可
質神明運籌於幄中殫厥勳勳之力執
鞭弭於塞外大張撻伐之威榆林兵備道
右布政使金忠士恢弘器可涵牛敏捷才
堪倚馬同舟而遇風波情何啻於拯溺封
刃而誅醜類勢有同於摧枯寧夏河東兵
備道按察使張崇禮品格商彝周鼎才華

越劔吳鉤韜略裕而善謀能斷曾多勝兵
簡蒐精而有勇知方目無強虜以上三臣
俱應優敘總理延寧糧儲戶部署郎中事
員外郎顧言冰璧清操金湯石畫軫饑兵
之枵腹夙夜握筭以籌懼嚴寒之飛烽遠
近轉輸有法此一臣者亦應優敘管理各
路城堡延安府同知陳效忠靖邊管糧延
安府同知梁方楷寧夏花馬池管糧慶陽
府同知閔之聞署定邊管糧廳事靖邊所
學學正谷應元殫精神以督餉出納明而
士絕庚癸之呼竭志慮以籌邊調度善而
人多戊巳之選以上四員均應賞賚內陳
效忠歷俸六年屢經敘薦尤應加銜久任
以酬賢勞者也相應題

請伏乞

勅下兵部再加覆議轉行陝西巡按御史照例
覈勘將各官并獲功亡傷軍丁優恤事宜
及有無隱匿情弊一併上

定園集 卷之三十一 一百三十一
請定奪仍將斬首并陣亡重輕傷等項賞功銀
兩速

請頒發以便給賞庶將士益知奮勵而衝疆允
有攸賴矣緣係狡酋逆謀未息官軍合兵
擣巢仰仗

天威大獲全捷事理臣等未敢擅便爲此具本
專差承差某親齎謹題請

旨

催請條議禦虜糧餉疏

題爲秋防虜患孔棘飭備萬分難緩懇乞

聖慈速賜省發

題覆各疏以便遵行以安疆圉事臣惟三邊
軍務本皆重計凡有奏

請悉荷

皇上垂神軫念隨

覽隨發會未有停閣逾時者也孰不仰頌
皇上得先務之急爲萬世

聖明之主乎惟是套虜徂歲內訌其禍至大聲
言今歲深入情或不虛一切兵餉戰守機
宜臣與按臣條議及兵部

題覆各疏俱未荷蒙

允發此固

睿意淵微施爲慎重有非臣等所能測度自宜

靜聽何敢瀆

聞但今已仲夏只尺秋防且聞虜欲今月會事
則入犯又若不待於秋者爲時既至迫矣

